

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Aningaasaqarnermut tunngasut**

**Imm. 02** Majoriamik ingerlatsineq pillugu Qeqqata Kommuniata aamma Namminersorlutik Oqartussat akornanni naammassisassanut isumaqatigiissut 2020.

**Suliassat nalinginnaasut**

**Imm. 03** Meeqqat atuarfiini soraarummeernermi angusat pillugit nassuiaat.

**Imm. 04** Atuanngiffissatut siunnersuutit ukioq 2020/2021

**Imm. 05** Sisimiuni Maniitsumilu kiisalu nunaqarfinni ukiumi atuarfiusumi 2020 / 2021-mi immikkut annertusisamik atuartitsinermit akunnerit (iaa.-akunnerit) agguataanerat” pillugu aalajangiineq.

**Imm. 06** Nunatsinni Inuussutissarsiornermut Suliffeqarnermullu Siunnersuisooqatigiit 2020-mi februaarip qulingani ataatsimiinnerat pillugu paasissutissiissut.

**Imm. 07** Qeqqata Kommunianut Kukkunersiuisut nalunaarutaat nr. 33

**Paasissutissiissutit**

**Imm. 08** Inuuneritta III pillugu tusarniaanermut paasissutissiissut.

**Imm. 09** Avataanit tikisitsilluni sulisussarsiornermik qinnuteqaatinut tunngatillugu, december 2019-imi januar 2020-imilu, siulittaasup aalajangiineranik paasissutissiissut, Majoriaq Maniitsoq aamma Sisimiut.

**Imm. 10** Tamalaat.

Ataatsimiinneq aallartippoq nal.:08:30

*Peqataasut:*

***Siumut Evelyn Frederiksen, Frederik Olsen, Ruth Heilmann  
Atassut Siverth K. Heilmann***

***Inuit Ataqatigiit Sofie Dorthe R. Olsen***

*Nalunaaruteqarlutik peqataanngitsut:*

*Nalunaaruteqaratik peqataanngitsut:*

## **Imm. 01. Oqaluuserisassat akuerineri**

**Aalajangiineq:**  
Akuerineqarpoq

**Aningaasaqarnermut tunngasut**

**Imm 02 Majoriamik ingerlatsineq pillugu Qeqqata Kommuniata aamma Namminersorlutik Oqartussat akornanni naammassisassanut isumaqatigiissut 2020**

*Journalnr. 51.10.01*

Tunuliaqutaq

2020-mi Majoriamik ingerlatsinissaq pillugu Kommunit aamma Namminersorlutik Oqartussat akornanni Naammassisassanut siunnersuut Inuusutissarsiornermut, Nukissiuuteqarnermut Ilisimatusarnermut Suliffeqarnermullu Naalakkersuisoqarfiup 2020-mi januaarip pingajuani isumaqatiginniutissangorlugu nassiuppaa, makkuninnga imaqartoq.

- 2020-mi Majoriamik ingerlatsinermit Naammassisassanut isumaqatigiissummut siunnersut
- Nalinginnaasumik ingerlatsinermit tapiissutit pillugit 2020-mut naatsorsuutit
- Atuartut amerlassusaat naapertorlugu naatsorsuutit

Suliffeqalernissamut ilinniagaqalernissamillu ilitersuineranut Ataatsimut tapiissutissatut siunnersuutit imaapput

:

<b>Eqitsit 1</b>	<b>Tapiissutit</b>		<b>Ilinniartut</b>
	<i>kr.</i>	<i>Utertitsineq</i>	<i>amerlassusaat</i>
- Ingerlatsinermit tapiissutit Maniitsoq	1.403.588		60
- Ingerlatsinermit tapiissutit Sisimiut	1.955.589		62
Ingerlatsinermit tapiissutit VM-imik ingerlatsisut	740.000		
Atuagarsornerunngitsoq*	660.000	x	6
Nunaqarfinni ilitersuineq	120.000	x	
Sannaviit	1.707.708	x	47
<b>Katillugit</b>	<b>6.586.885</b>		<b>175</b>

Siunnersuummi allannguutit makkuupput:

- Sisimiuni ingerlatsinermit tapiissutini 178.293,- koruuninik qaffaanissaq siunnersuutigineqarpoq
- Maniitsumi ingerlatsinermit tapiissutini 163.319,- koruuninik appaanissaq siunnersuutigineqarpoq
- Sannaviit pissarsiassaanni 17.961 koruuninik qaffaanissaq siunnersuutigineqarpoq
- Atuagarsornerunngitsumut pissarsiassap allangortinneqannginnissaa siunnersuutigineqarpoq
- Nunaqarfinni ilitersuineq allannguuteqassanngitsoq siunnersuutigineqarpoq
- VM-imut ilitersuisunut ingerlatsinermit tapiissutini 15.000,- koruuninik appaanissaq siunnersuutigineqarpoq

Maniitsumi Majoriami ingerlatsinermit tapiissutit appartinnissaanut, 2017-imi atuartut amerlassusaannut sanilliullugu 2018-imi amerlassusiisa appariarsimanera siunnersuummut tunngaviuvoq.

Ingerlatsinermit tapiissutit suliffeqanngitsunut VM-ertitsinermit naammassisut amerlassusiat tunngavigalugu VM-imut ilitsersuisartunut tunniunneqartarput.

2019-imi naammassisassatut isumaqatigiissutaasunut sanilliullugu 17. 935,- koruuninik 2020-imi naammassisassatut isumaqatigiissummi qaffaanissaq pingaarnertut siunnersuutigineqarpoq. Illoqarfiit agguataarlugit tapiissutit missingiutaasut Naalackersuisoqarfimmit maluginiarneqarpoq. Illoqarfinni assigiinngitsuni pisariaqartitat aallaavigalugit tapiissutit kommunimit agguaanneqarsinnaapput.

#### Maleruagassatigut tunngavigisaq

Suliffeqalernissamik Ilinniagaqalernissamillu Siunnersuisarfiit pillugit Inatsisartut inatsisaat nr. 28, 9. decembari 2015-imeersoq.

#### Pissutsit atuuttut

2019-mi decembarip sisamaani tallimaanilu Majoriamik naliliinermit Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalackersusisoqarfiup ataatsimiisitsinerani Majoriamut Naammassisassanut isumaqatigiissut pillugu nassuiaassutigineqarpoq. Namminersorlutik Oqartussat sipaarniarnerani naalackersuisoqarfimmi aningaasaqarneq annertuumik appariaateqarpoq, naalackersuisoqarfik aamma immikkoortortaminnut missingersuusiortup, tassanilu naammassisassanut isumaqatigiissutinut kalluisussaanginnerat aamma suliniutigineqassalluni.

Majorianiit nalunaarutit annertuut aallaavigalugit naammassisassatut isumaqatigiissutit naatsorsorneqartarput.

Ataatsimeeqatigiinnermit tassani nalackersuisoqarfiup kommunillu akornanni naammassisassatut isumaqatigiissutit ilaat ataasiakkaat eqqartorneqarput. Tassani Qeqqata Kommunian minillugu, tassani Qeqqata Kommuniani nunaqarfinnut angalaniarnerup akikitsuunnginnera pillugu aningaasatigut allannguuteqarani nunaqarfinni ilitsersuisarnermut apparsimasoq takuneqarsinnaavoq.

Naammassisassanut isumaqatigiissummut siunnersuutit 2020-mi januaarip pingajuani tiguneqarnerisa kingorna, siunnersuutit siuliani ilinniartitaanermut pisortat centerlederillu akornanni siumut ataatsimeereernerup kingorna januaarip qulingani nassiunneqartut pillugit Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalackersusisoqarfiup aamma Qeqqata Kommuniata akornanni isumaqatigiinniarnertit ingerlanneqarput. Ataatsimiinnermit siunnersuutit ataasiakkaat ilaat Naalackersuisoqarfimmit aalajangiussimaneqarput, tassunga tunngaviulluni Maniitsumi Majoriami ingerlatsinermit tapiissutit appaataa, tassa Majoriat nalunaarusiaanni atuartut nalunaarsorsimasut appariaateqarsimaneranik allassimasoq aallaavigalugu, naallu nunaqarfinni ilitsersuisarnermut

***Imaqarniliaq Ilinniartitaanermut ataatsimiititaliap Marts-ip. 4-ani 2020-imi ileqquusumik ataatsimiinnera 02/2020***

aningaasat appariaateqaraluartut, allannguuteqartoqannginnissaa Qeqqata Kommunianit aalajangiusimaneqarpoq.

VM-inik ingerlatsinermut tapiissutit qaffanneqarput kr. 15.000,-, maannakkut naammassisassanut isumaqatigiissummullu ilanngunneqarlutik.

Taamaalillutik Majoriamut tapiissutik katillutik imatut isikkoqalerlutik:

<b>Takussutissiaq 1</b>	<b>Tapiissutit</b>		<b>Atuartut</b>
	<i>kr.</i>	<i>Taarsigassat</i>	<i>Amerl.</i>
Ingerlatsinermut tapiissutit Maniitsoq	1.403.588		60
Ingerlatsinermut tapiissutit Sisimiut	1.955.589		62
Ingerlatsinermut tapiissutit VM-ilerisunut	755.000		
Atuakkerinani ingerlataq*	660.000	x	6
Nunaqarfinni aqqutissiuussineq	120.000	x	
Sannavinnut	1.707.708	x	47
<b>Katillugit</b>	<b>6.586.885</b>		<b>175</b>

Atuilluartaunissakkut kingunerisinnaasai

Suliffeqanngitsunut suliniutissat piaartumik aallartisarneqarpata pitsaanerussaaq, taamaalillutimmi suliffissaaleqisut ingerlariaqqinnissaminnut pitsaanerusunik periarfissaqalissapput.

Aningaasaqarnikkut allaffissornikkullu kingunerisinaasai

Ataatsimut isigalugu allaffeqarfik isumaqarpoq, Maniitsumi Majoriamut ingerlatsinermut tapiissutit 163.000,- koruunit siunnersuutigineqaraluartut - ukiut siuliinit appasinnerusut, 2019-imi centerinut marluusunut naammassisassanut isumaqatigiissummullu sanilliullugu pingaarnertut 17.961,- koruuninik qaffaaneq tulluartaavoq. Tassani naalakkersuisoqarfimmi missingersuutit apparnerat aammalu kommunini allani naammassisassatut isumaqatigiisutit isiginiarneqassaput.

Maniitsumi Majoriamit ilisimatitsissutigineqarpoq, ukiut kingulliit ingerlanerini Maniitsumi Majoriami atuarniarlutik qinnuteqartartut ikileriarsimasut, Pilersitsivimmili atuartut assut aalakkaasut, takuneqarsinnaasutullu inuusuttut akornanni maannamut aamma suli pisariaqartinneqartoq. Inuusuttunut meeqqat atuarfianik naammassinnissimasunut sulilu ilinniagaqaaqqissimannngitsunut aggersaasarnikkut Maniitsumi Majoriaq FA-mi atualersussanik amerlisaaniarluni suliniuteqarpoq.

Ataatsimut isigalugu inaarutaasumik isumaqatigiisutit qaffanneqarnissaa 2020-mut siunnersuutaavoq ima annertutigissasoq kr. 32.935,-, 2019-mut naleqqiullugu.

Allaffeqarfiup naliliinera

Allaffeqarfiup nalilerpaa, Qeqqata Kommunian kkommunit allat assigalugit sullissinissamut isumaqatigiisut allatut ajornartumik atsiortariaqartoq. Taakku saniatigut ukiut siulii assigalugit, ineriartortitsilluni suliniutinut naalakkersuisoqarfimmut qinnuteqartoqarsinnaavoq.

**Allaffeqarfiup innersuussutaa**

Ilinniartitaanermut ataatsimiititaliamut innersuutigineqarpoq

Qeqqata Kommuniata aamma Namminersorlutik Oqartussat akornanni Majorianik ingerlatsineq pillugu naammassisassanut isumaqatigiissut 2020 atsiorneqassasoq, suliarlu aningaasaqarnermut ataatsimiititaliamut ingerlateqqinneqassasoq

**Alajangiineq**

Innersuussut itigartitsissutigineqarpoq, aningaasaqarnermut ataatsimiititaliap nalilersussavaa akit ineriartornerannut isumaqatigiissut naapertuunnersoq

**Ilanngussat**

1. Qeqqata Kommunianiata aamma Namminersorlutik Oqartussat akornanni Majorianik ingerlatsineq pillugu naammassisassanut isumaqatigiissut 2020

## **Suliassat nalinginnaasut**

### **Imm. 03 Meeqqat atuarfiini soraarummeernermi angusat pillugit nassuiaat**

*Journal nr. 51.00*

#### **Tunuliaqutaq**

2019-imi novembarip 28-ani Kommunalbestyrelsip ataatsimiinnerani atuarfiit pitsaassutsimut nalunaarusaannik suliaqarnermi, siusinnerusumut naapertorlugu angusat sooq ajorseriaateqarsimanersut kiisalu atuanngitsoortarnerit sooq 5 procentimik qaffariaateqarsimanersut pillugit Ilinniartitaanermut ataatsimiititaliaq nassuiaassuteqarnissaanik, Kommunalbestyrelsi piumasaaqateqarpoq. Tamatuma saniatigut unammillernarsinnaasut aaqqiivigineqarnissaanut suliniutit suut ingerlanneqarsimanersut pillugit, ataatsimiititaliaq nassuiaaqquneqarportaaq. Suliama matumani soraarummeernermi misilitsissimanermut angusat pillugit nassuiarneqarput. Atuarfinni soraarummeernermi misilitsiffiusimasuni nassuiaatit allaffeqarfimmit piniarneqarput.

#### **Maleruagassatigut tunngavigisaaq**

Atuarfik pillugu Inatsisartut inatsisaat nr. 15, 3. December 2012-imeersoq  
Atuarfimmi naliliisarneq uppernarsaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq

#### **Pissutsit atuuttut**

Qeqqatami meeqqat atuarfiini nalinginnaasumik fagini misilitsissutinilu arlalinni soraarummernermi misilitsinnerni angusat qaffariaateqarput, piginnaasassatigulli agguaqatigiisillugu appariaateqartarluni. Angusallu ukiumiit ukiumut nikerartarnerat nalinginnaasuuvoq. Qeqqata Kommuniani atuarfinni tamani faginut misilitsissutinullu tamanut agguaqatigiisillugit angusat ilanngussani takuneqarsinnaapput.

Ukiuni 2013-2019-imi ukiumiit ukiumut nikerarsimapput, Atuarfik Kilaaseqqamili kalaallisut piginnaasassanik misilitsinnermi agguaqatigiisillugu angusat appariaateqalaarsimapput, 2013-imi agguaqatigiisillugu 5,75-imiittoq, 2019-imi 5,57-imiilluni. Allattariarsornermi oqaluttariarsornermilu piginnaasassatigut misilitsinnerni allani qaffariaateqarlutik. Qallunaatut allattariarsornermik misilitsinnermi agguaqatigiinnera 2013-imi 2,28-mit 2019-imi 2,17-imut appariaateqarpoq, piginnaasassanilu misilitsinnermi 2013-imi 5,2-mit 2019-imi 4,39-imut appariaateqarnerinik aamma takussutissiisoq, oqaluttariarsornermi misilitsinernerit siuariaateqarput. Ukiut ilaanni angusat qaffasinnerusarput. Matematikkimi allattariarsornermi 2013-imi agguaqatigiisillugu 3-miittoq, 2019-imi agguaqatigiisillugu 1,61-imiippoq, piginnaasassanili allani siuariaateqarluni. Tuluttut fagini piginnaasassatigut tamani siuariaateqarput.

Ilinniartitsisussaqaarniarneq annertunerusumik sorsuutiguarpoq. Ilinniarfissuarmut ukiut tullerit sisamat pilerisaariartorneq ingerlanneqartarpoq. Sulisut peqataatillugit pikkorissarnernik ilusiliinerit tassani anguniarsariuaannarlugu ataatsimoorussamik ingerlaaqatigiinnissaq anguniagaqarluni. Faglighed qaffanniarsarinarneqarpoq skolekonsulent atorluarlugu fagvejlederillu. Undervisningsplanit ersarinnerunissaat aammalu pingaartitat ilaajuaannarnissaat, ileqqut pitsaasut 7-k, tassani atuartut inuunermi atuartuunermi anguniagaqarlutik ingerlaarnissaat aammalu ulluinnarni inuunermi pingaarnersiuisinnaanermik sungiusarneq ingerlanneqartuarput.

Aaliangersimasumik ataatsimoorussamik periuseqarnissaq atuutitinniarsarinera sulisunut aammalu angajoqqaanut anguneqarnissaa suliniutigineqarpoq.

Kangaamiut Atuarfiani fagini pingaarnerni tamani piginnaasassatigut siuariaateqarput, matematikkimili allattariarsornermi misilitsinnermi angusat nikerangaatsiartarput, 2014-imilu 4,83-imiit 2018-imi 3,25-imut appariaateqarnera takuneqarsinnaalluni. Atuagarsorluni ingerlatsinerni tamani, ilikkakkatigut nalilersuiuarnissaq, aammalu angerlarluni suliassiisarnepur annertusilaarnissaa siunniunneqarput. Taamaalilluni ilikkagassatut anguniakkanut amerlanerpaat annussinnaalerniassammata. Aammalu angerlarluni suliassat angajoqqaanut tamatigut nalunaarutigineqartarnissaat, ilumut pimoorussisoqarnersoq aammalu malinnaajuartarneq pillugu paaseqatigiiffiunerusumik meeqqanut iliuuseqartarnissaq anguniarlugu. Fagini ataasiukkaani ingerlanerluttoqalersillugu pisorta q piaartumik saaffigineqartassasoq aammalu killiffissiuissassasoq aalajangiussat ilagaat. Ingerlariaatsit pitsanngorsartuarnissaat sutigullu tamatigut angajoqqaat suleqatigiuarneqat pingaartitanut ilaapput.

Qinguata Atuarfiani fagini misilitsiffiusuni piginnaasassanilu tamani agguaqatigiisillugu angusat ukiumiit ukiumut nikerangaatsiartarput. Ukiut ilaanni agguaqatigiisinnera qaffasingaatsiarsinnaasarpog, ilaannilu appassisinnaasarluni. QA-mi soraarummeernerni klassimi atuartut taarsaatingaatsiartarnerat patsisaalluni allanngorangaatsiartarpoq, sisamat-arfinillit aallartikkajuttarput, ukiullu ingerlanerani marluk-pingasut aallartarlutik. Taamaalillunilu atuartaqatigiinni annertuumik taarseraanepur ingerlasarluni kiisalu 10. klassimi atuartut ikittuunnaasarlutik. Tamannalu patsisaalluni atuartaq ataaseq appassisumik angusaqarneratigut agguaqatigiisinnerannut annertuumik sunniuteqartarluni. Ukioq manna QA-mi pingaarnertut kalaallisut ukkatarineqarpoq, fagi taanna ukiumiit ukiumut angusat appariartuinnartuummata. Klassini minnerni ilinniartitsisut marluupput, atualertussanullu atuartitsisarneq pingaarnertut kalaallisut/kalaallisoorneq pillugu ingerlanneqartarluni. Atuartut assersuutigalugu sunngiffimmi klubbimi imaluunniit SFO-mi kalaallisut oqalunnerulernissaat ukkatarineqarpoq, taamaalillunilu oqaloqatigiinnermi nalinginnaasumik atugarineqalissalluni. Tamatuma saniatigut atuarfimmi siulersuisut peqatigalugit, atuarfimmitt atuarsinnaanermut pikkorissaanissamik aammalu ukioq atuarfusup tullianit klassini nikeriartitsisut tamani atuarluni tusarnaarutit atulersinneqarnissaat kissaatigineqarpoq. Maluginiarneqartariaqarporli, kalaallisut taamak ajortigisumik inissisimangimmata. Atuartut ineriartorluarput, fagimili piginnaasassat pitsaanerulernissaat ilinniartitsisunit sukataarutigineqarluni.

Nalunnguarfiup Atuarfiani pingaarnertut fagini tamangajanni agguaqatigiisinneri appariartorusaarput, naak agguaqatigiisinnera ukiumiit ukiumut nikerartaraluartoq. Kalaallisut, qallunaatut matematikkimili allattariarsornermut piginnaasassanilu misilitsinnerni inernerisa agguaqatigiisinneri appariartuvarput, illuatungaatigullu oqaluttariarsornermi misilitsinnerni siuariartorluni.

**Ukioq atuarfiusoq 2020-p aallartinnerani fagini ilitsersuisut ilinniartitsisunik ataasiakkaanik fagini pulaartalerput, matumani atuartitsinerup pitsanngorsarneqarnissaa siunertaalluni. Naliliinermik pikkorissaaneq maannakkut ingerlanneqarpoq, pikkorissaanermi ilinniartitsisunit ilikkagassatut pilersaarutit, anguniakkat ilaannik, imminut nalilersuineq iliuusissatullu pilersaaruserneq, atuartitsinermik ingerlatsinissamik suliqaarnermik, Angusakka immersuisarnermik kiisalu ilikkagaqarnissamut tunngaviit sammeneqarput. Suliniunni suliqaarneqarnissamut atuartut sungiusarneqat siunertaralugu, nukarlerni akullernilu sammisanik suliqaartitsinermik ingerlatsisoqarpoq. Ilinniartitsisut ataasiakkaat entreprenørskabi pillugu pikkorissarnikuupput, atuarfimmilu ataatsimoorussamik Nutaaliorneq pillugu pikkorissartitsisoqarnikuulluni. Taamatut atuartitseriaaseqarnitsinni, atuartut piginnaasaatik ineriartortikkiartuaraat malugineqarsinnaavoq. NA-mi matematikkimut atatillugu unammillernartut tassaapput, ilinniartitsisunit atatillugu**



**arlaleriarluni nikerarnerit, taamatullu fagimi annertulaamik vikarinik atuisarnermik kinguneqartarlutik.**

**Qallunaatut angusat appariartuaarsimapput, naak ukiup siulianut sanilliullugu pitsaanerugaluartuq. Tuluttut fagimi atuartut ilikkagaqarnissaminut kajuminnerupput.**

Minngortuunnguup Atuarfiani kalaallisut kisitsisit nikerartuupput, allattariarsornermi misilitsinnerni 2013-imi 5,4-miit 2019-imi 5,3-mut appariaateqalaarsimalluni. Qallunaatut piginnaasassanik misilitsinnerni tamani appariaateqartarput, tamannali ukiumiit ukiumut suli nikerartuusarluni. 2013-imi allattariarsorluni misilitsinnernut tamanut 5,66-imi inissisimavoq, 2019-imi 4,77-imiilluni, 2013-imi piginnaasassanik misilitsinneq 7,07-miittoq, 2019-imi 6,55-imiippoq. Taamatuttaaq tuluttut fagimi angusat agguaqatigiisinnerat nikerangaatsiartuuvoq, allattariarsornikkut oqaluttariarsornikkullu misilitsinnerni siuariaateqartoq, piginnaasassanik misilitsinnermi appariaateqalaarpoq, 2013-imi 6,42-miittoq 2019-imi 5,9-miippoq. Isumalluutitut tunniunneqartut agguataarneqartarnerinut nutaamik MA aaqqissuussinissamik suliaqarpoq. Atuartut suliaqarnermut piginnaasaasa qaffassarnissaanut nalinginnaasumik sulissuteqartoqarpoq, atuartunullu suliaqarnikkut inooqataanikkullu sanngiinnerusunik immikkut qaffassaanissamittaaq sulisoqarluni. Tamanna isumalluutininik eqaannerusumik agguataarinikkut pissaaq, taamaalilluni isumalluutissat annertunerusut pisariaqarfiusunut inissinneqartassallutik; suliaqarnermut aammali inooqataanikkut atugarissaarnermullu annertunerusumik.

Tamatuma saniatigut annertusaasumik pikkorissaanernik ingerlatsinissaq ukkatarineqarpoq, assersuutigalugu atuffarissarneq (kalaallisut qallunaatullu) aammalu matematik kiisalu fagini allani aalajangersimasumik suliaqarnissamut sungiusaaneq. Taamaalillutik atuartut amerlanerusut isumalluutininik agguataarinerni iluaqutissaqarnerulissallutik.

Atuartitsinerit assigiingissitaartuunerunissaannik nalinginnaasumik suliaqartoqarpoq.

Ilinniartitsisut ataavartumik atuartitsinerimik ingerlatsinernik, ilikkarnartumik eqqarsaatersuutininik aammalu assigiingissitaartumik atuartitsisarnernik assersuutilikkanik tunniussisassapput.

Tamatuma saniatigut ukioqatigiinni arlariittumik ukiumi atuarfiusussami skemat akunnilersussavagut, taamaaliornikkut ukioqatigiinniik atuartitsinissamut, holdikkaarinissamut kiisalu atuartitsinerit assigiingissitaarinissamut periarfissat aaqqissuussaannikkut eqqarsaatigineqariissallutik.

Nalunnguarfiup Atuarfia minillugu Qeqqatami meeqqat atuarfiit sinnerini suliniummi suliaqarnermi misilitsinnermi agguaqatigiisillugu siuariaateqarput. 2019-imi NA 5,96-imi inissisimavoq, tamannali Nalunnguarfiup Atuarfiani suli nikerangaatsiartuuvoq, 2017-imi 8,42-mi inissisimalluni.

Kommunit tallimaasut inernerit imminnut assersuutigissagaanni Qeqqata Kommunian Qallunaatut allattariarsornermi oqaluttariarsornermilu qaffasinnerpaat tulliatut inissisimavoq, tuluttullu allattariarsornermi oqaluttariarsornermilu qaffasinnerpaajulluni, tamatuma takutippaa, kommunip oqaatsitigut ingammik tuluttut nukarlerni atuartuni nukittorsaasimanera karakteritigut takuneqarsinnaasoq.

Suliniutinik suliaqartarnermi Qeqqata Kommunian kommuni tallimaasuni qaffasinnerpaatut inissisimavoq, assinganillu matematikkimi allattariarsornikkut, ilutigalugu matematikkimi kalaallisullu allattariarsornermi qeqqani inissisimalluta, ilutigalugulu kalaallisut oqaluttariarsornermi qaffasinnerpaat tullianiilluta.

Nalinginnaasumik isigigaanni tassa kommuni inaarutaasumik misilitsinnerni nunap sinneranut sanilliullugu angusatigut qaffasissumik inissisimavoq.

Atuilluartuunissakkut kingunerisinnaasai

Atuartut ilikkarsinnaanerannut periarfissaasa ukkataralugit nalileeriaatsinik atuarfik suliaqartuarnissaa ineriartortitsuarnissaalu pingaaruteqarpoq.

Aningaasaqarnikkut allaffissornikkullu kingunerisinaasai

Suliniuteqarfiit aningaasaqarnikkut kinguneqarnissaat pisariaqavinngilaq, suliniuteqarfiilli ilaat suliniutit naammassineqarnissaanut siusinnerusukkut immikkut aningaasaliiffigineqarnikuullutik.

Allaffeqarfiup naliliinera

2018-imi atuarfinni aqutsisut piginnaasaannik ineriartortitsinermik Qeqqata Kommunia suliaqarpoq. Atuarfinni aqutsisut ilaatigut inuttut aqutsisinnaanerisa pitsanngorsarneqarnissaannik, modulit arfinillit ingerlallugit suliaqarsimapput. 2020-mi sisamangorneq februaarip arferngani atuarfinni aqutsisut namminneq aqutsinermi ilikkarsimasat inerneru, Ilinniartitaanermut ataatsimiititaliamut, tassani borgmesteri kommunimilu pisortaanerup peqataaffigisaanni saqqummiipput.

Atuarfinnik nakkutiginninnerup pitsanngorsarneqarneratigut, atuarfinni aqutsisut ilinniartitsisut atuartitsinerinik nakkutiginnittarnissaannik annertuumik suliaqartoqarpoq, aammali atuartitsisarnerup pitsanngorsarneqarnissaa, angusat pitsanngorsartinneqarneranik kinguneqartussaasumik, nakkutilliinerup kingorna ilinniartitsisunik utertitsiviginnittarnissaq ineriartorteqqinneqarpoq.

Atuartitsinerit assigiinngissitaartut pillugit ilinniartitsisunut tamanut pikkorissaanermut, Qeqqata Kommuniani atuarfiit tamarmik peqataatinneqarput, tassani nunaqarfinni atuarfinni ilinniartitsisut illoqarfinni atuarfinnut pikkorissaanermut peqataatinneqarlutik. Allaffeqarfik naliliivoq, Qeqqata Kommuniani atuarfinni angusat nalinginnaasumik pitsanngoriartorneranut tamanna takussutissaalissasoq.

**Innersuussut**

Allaffeqarfiup Ilinniartitaanermut ataatsimiititaliamut innersuussutigaa, nassuiaat  
akuersissutigineqassasoq Kommunalbestyrelsimullu paasissutissiissutitut ingerlateqqinneqassasoq

**Aalajangiineq**

innersuussut akuersissutigineqarpoq

**Ilanngussat**

1. Qeqqata Kommuniani meeqqat atuarfiini soraarummeernermi misilitsinnerit inernerit

**Imm 04 Atuanngiffissatut siunnersuutit ukioq 2020/2021**

*Journalnr. 51.08.02*

Tunuliaqutaq

Meeqqat Atuarfiata peqqussutaa najoqqutaralugu atuanngiffissatut siunnersuutit akuerineqarsimassapput perorsaanerme siunnersuisoqatigiinnit, atuarfinni siulersuisuni aammalu Ilinniartitaanermik ataatsimiititaliamit.

Maleruagassatigut tunngavissat

Namminersorlutik Oqartussat peqqussutaat nr. 4, 5. marts 2003, meeqqat atuarfianni atuanngiffissatut atuartunut najoqqutassaq.

Atuarfik pillugu Inatsisartut inatsississaattut siunnersuut nr. 15, 3. December 2012-imeersoq, § 8, ukioq atuarfiusup sivilissusaa.

Pissutsit atuuttut

Sisimiut Maniitsullu illoqarfiisa tassanilu nunaqarfiit ukiumi atuarfiusumi 2020-2021-mi atuanngiffissatut pilersaarutinik siunnersuutinik nassiussinikuupput. Sisimiut illoqarfianni nalinginnaasuvoq atuanngiffissat assigiittarneri.

Aningaasaqarnikkut allaffissornikkullu kingunerisinnaasai

Soqanngilaq

Allaffeqarfiup naliliinera

Sisimiut illoqarfianni nalinginnaasuvoq atuanngiffissat assigiittarneri.

Kilaaseqqap Atuarfia, Maniitsumi, Sisimiunilu nunaqarfiit immikkut siunnersuuteqarlutik nassiussipput.

**Innersuussut**

Ilinniartitaanermut ataatsimiititaliamut innersuussutigineqarput:

1. Atuanngiffissatut siunnersuutit ukioq atuarfiusussamut 2020/2021-imut siunnersuut akuerineqassasut

**Aalajangiineq**

innersuussut akuersissutigineqarpoq

**Ilanngussaq**

Ilanngussaq 1. Minngortuunnguup Atuarfiata atuanngiffissatut siunnersuutaai

Ilanngussaq 2. Nalunnguarfiullu Atuarfiata atuanngiffissatut siunnersuutaai

Ilanngussaq 3. Sarfannguit Atuarfiata atuanngiffissatut siunnersuutai

Ilanngussaq 4. Itillip Atuarfiata atuanngiffissatut siunnersuutai

Ilanngussaq 5. Kilaaseqqap Atuarfia atuanngiffissatut siunnersuutai

Ilanngussaq 6. Atammiup Atuarfia atuanngiffissatut siunnersuutai

Ilanngussaq 7. Napasup Atuarfiata atuanngiffissatut siunnersuutai

Ilanngussaq 8. Kangaamiut Atuarfiata atuanngiffissatut siunnersuutai

Ilanngussaq 9. Qinguata Atuarfiata atuanngiffissatut siunnersuutai

Ilanngussaq 10. Qeqqata Kommunia atuanngiffissatut siunnersuutit ukioq atuarfiusoq 2020-2021

**Imm. 05 ”Sisimiuni Maniitsumilu kiisalu nunaqarfinni ukiumi atuarfiusumi 2020 / 2021-mi immikkut annertusisamik atuartitsinermit akunnerit (iaa.-akunnerit) agguataanerat” pillugu aalajangiineq.**

Journalnr. xx.xx.xx

**Tunuliaqutaq**

*Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. december 2017-imeersumi kapital 1-imi § 1 ima allassimavoq: Atuartunut, piginnaasamikkut ajornartorsiutaat ima ippata imaluunniit ima annertussuseqarpata immikkut tapersorneqarnissaminut pisariaqartitaat nalinginnaasumik atuartitsinikkut pissarsiaritneqarsinnaanatik, immikkut atuartitsisoqassaaq aamma allamik immikkut ittumik perorsaanikkut ikiorsisoqassalluni, Kapitali 1-imilu § 1-imi immikkut atuartitsisarnikkut aamma allamik immikkut ittumik perorsaanikkut ikiorsisarnikkut siunertaavoq.*

1. Meeqqat atuarfiata siunertaa tunngaviilu naapertorlugit atuartup ineriartornerata ilikkariartorneratalu siuarsarneqarnissaa,
2. atuartup nalinginnaasumik atuartitsinermit peqataasinnaaneranut periarfissai sapinngisamik pitsaanerpaat, atuartup pisariaqartitaanut iluaqutaasut pilersissallugit, aamma
3. atuartup atuarfimiit inuiaqatigiinnut, ilinniakkamut inuusutissarsiornermullu sammisamulluunniit allamut ikaarsaarnissaa tapersersussallugu.

**Maleruagassatigut tunngavigisaq**

1. Atuarfik pillugu Inatsisartut inatsisaat nr. 15, 3. December 2012-imeersoq
2. Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. december 2017-imeersoq.

**Pissutsit atuuttut**

Ukiumi atuarfiusuni 2018/2019-imi aamma 2019/2020-mi ukiumilu atuarfiusussami 2020/2021-mi immikkut atuartitsivimmut, perorsaanikkullu ikiorsisarnernut akunnerit agguataarneqarnerat takussutissiami tulluuttumi takutinneqarpoq:

Atuarfik,	VSP-akunnerit 2017/2018 Akunnerit/atuartut	VSP-akunnerit 2018/2019 Akunnerit/atuartut	VSP-uv-akunnerit 2019/2020 Akunnerit/atuartut	IAA-akunnerit 2020/2021 Akunnerit	Atuartut amerlassusaannut agguataakkat
Minngortuunngu up Atuarfia	246/33	288/35	283/26	270	29
				20	*klassimi tapersersorteqarneq (5)
				20	Ikaarsaartitsinermi ilinniartitsisoq
Nalunnguarfiup Atuarfia	183/34	185/32	184/33	190	30

***Imaqarniliaq Ilinniartitaanermut ataatsimiititaliap Marts-ip. 4-ani 2020-imi ileqquusumik ataatsimiinnera 02/2020***

Qinguata Atuarfia	30/4	65/9	65/8	65	6
Sarfannugit Atuarfia	20/3	16/2	6/1	6	1
Itillip Atuarfia				10	*1.-2. klassimi tapersorteqarneq (4)
Atuarfik Kilaaseeraq	156/30	195/29	175/24	175	24
				20	*klassimi tapersorteqarneq (1)
Kangaamiut Atuarfia	30/2	45/4	45/7	45	7
Atammiup Atuarfia	20/2	20/2	40/4	40	4
Qeqqani MISI	0	0	30/*	60	Akunermiliussat
Katillugit	685/108	847/113	813/103	921	111

(PPR (MISI) aamma VSP-t 2009-mi kommunimit tiguneqarnerisa kingorna kisitsisinut tunngasunut annerusumik paasisaqarfigiumallugit, Excel-arke ilanngussaq 2-tut ilanngunneqartoq takuuk.

***Ukiuumut atuarfiusumut 2019/2020 immikkut atuartitsineq***

Ukioq atuarfiusumut 2019/2020-mut Qeqqani MISI Spec-uv-qinnuteqaatinik 103-nik tigusaqarpoq, sapaatip akunneranullu Spec-uv-akunnernik 813-inik/ukiumi atuarfiusumut 2019-2020-mut Immikkut atuartitsinissamat akunnernik ukiumut agguaassinermi 24.390-inik ilinniartitsisinut akunnernik kiisalu akunermiliussatut spec-uv-akunnerit 30-nik akuersissuteqarpoq.

Spec-uv-atuartut 18-it meeqqat atuarfianit atuarunnaassapput. Atuartut ilaatigut Minngortuunnguup Atuarfiani (atuartut pingasut), Nalunnguarfiup Atuarfiani (atuartut arfineq-marluk), Atuarfik Kilaaseeqqami (atuartut sisamat) kiisalu Qinguata Atuarfiani (atuartut sisamat) atuartuupput. Atuartunut arlalinnut soraarummeerluni misilitseqataanninnissamat qinnuteqaatigineqarput, nukittuffiinilli oqaaseqaateqarfigineqassallutik. Atuartulli ilaat fagini ataasiakkaani sapersaatigiffiusussaannngitsutut isigineqartuni misilitsissapput.

Kangaamiut Atuarfiani atuartoq ataaseq nalinginnaasumik klassimut ikaarsaartinneqarpoq. Atuartup pineqartup immikkut annertusisamik atuartitsinermut aaqqiissut annertuumik iluaqutigisimavaa.

Qeqqani MISI-p akunermiliussai erngertumik nungunneqarput, tassani Nalunnguarfiup Atuarfiani atuartoq ataaseq sapaatip akunneranut akunnernik marlunnik immikkut atuartinneqarnissamat tunineqarsimammatt, akunnerillu taakku suliatigut inuttullu nukittorsaatitut atorneqartussaallutik. Gertrud rask Minde-mut ungasinnngitsumi inissinneqartumik Minngortuunnguup Atuarfia atuartuuteqalerpoq, taannalu eqqarsartaatikku innarluuteqarpoq, noqartartuulluni kiisalu ADHD-eqarluni. Piffissami sivikitsumi atuartuunermi qulingiluariarluni atuarfia allannngornikuuvoq, tamannalu maannakkut pissusilersuutaanut, attaveqarniarneranut atugarisaanullu sunniuteqarnikuulluni. Piffissami ikaarsaarnerni kisimiitillugu atuartinneqarnissaanut immikkut annertusisamik atuartinneqarnissaanut akunnernik 20-nik tunineqassaaq.

Itillip Atuarfia suliatigut pissusilersornikkullu unammillernartitaqartunik 1.-2. klassimi atuartuuteqarpoq, taamaalillutillu akunnerit akunnermiliussat sinneruttut arfineq-pingasusut, klassimi tapersersorteqarnissamut atuarfimmuq tunniunneqarlutik.

***Ukiuumut atuarfiusumut 2020/2021 immikkut annertusisamik atuartitsineq***

Ukioq atuarfiusussamut 2020/2021-mut Qeqqani MISI / PPR 2020-mi januaarip 15-iani immikkut annertusisamik atuartitsinissamut akunnernut qinnuteqaatinik 105-inik tigusaqarnikuuvoq.

Qinnuteqaatit tamarmik Qeqqani MISI-mit suliarineqarnikuupput, aammalu atuarfinni siunnersortaatigalutik ilinniartitsisunik atuarfinilu aqutsisunik qanimut suleqateqarluni immikkut annertusisamik atuartitsinermut akunnernik agguataarineq ingerlanneqarnikuuvoq. (Eqitsimmi ungalusa \*-imik nalunaarsukkat immikkoortup ataani oqaaseqaatilerlugit ersarissarneqassapput).

Atuartoq immikkut atuartinneqarnissamik pisariaqartitsisutut isigineqarpat, angajoqqaat isumasioqatigereerlugit atuarfik MISI-mut (PPR) innersuusiortarpoq, taassumalu atuartoq immikkut annertusisamik atuartinneqarnissamut akunnernik (VSP-tiimit) pisussaaffeqarnerisik misissuinermik, naliliinermik kiisalu nalunaarummik suliaqassalluni.

Immikkut annertusisamik atuartitsinermut akunnerit agguataarneri piviusorsiorpalaarnerutinniarlugit, ukiup ingerlanerani specialklassit tamarmik ataavartumik nakkutigineqartarnissaat pingaaruteqarsimavoq.

Matumani atuartunut siunnersorti, ilinniartitsisunit, angajoqqaanit, atuartunit, MISI-mit kiisalu sullissisumit peqataaffigineqarsimasunik, sullissinermut ataatsimiinnernik aqqissuussisarpoq. Atuartut akunnernik tunineqarnissamut innersuunneqartut tamarmik, immikkut annertusisamik atuartitsinermut akunnernik tunineqarnissamut piumasaqaatinik naammassinnittuupput. Ukioq atuarfiusoq 2020/2021-mut sapaatip akunneranut iaa.-akunnerit agguataarnerisa takussutissartaat ilanngussami takuneqarsinnaavoq.

Atuartut amerlanerusut specialklassinit klassinut nalinginnaasunut ikaarsaartinneqarsinnaanerinit, inatsit naapertorlugu, MISI-mi suliniutigineqarpoq. Atuartut, angajoqqaat, ilinniartitsisut klassillu nutaat (klassit nalinginnaasut) ikaarsaarnermut piareersarneqartassammata, tamanna piffissami sivisuumi ingerlasinnaasarpoq. Taamaattumillu ikaarsaarnernut tamakkununga klassit ilinniartitsisullu sakkusaqartittarnissaannut MISI suliniuteqarpoq – matumani perorsaanermut, atuartitsiviup ilusilersorneranut, atuartunik ukiumikkut, ilikkarniarnerinit pissusilersuutimikkullu annertuumik assigiinngissuteqartunik inissaqartitsisinnaaneq ilanngullugu.

**Atuilluartuunissakkut kingunerisinnaasai**

Inatsit naapertorlugu Minngortuunnguup Atuarfiani, Nalunnguuarfiup Atuarfiani, Atuarfik Kilaaseeqqami kiisalu Qinguata Atuarfiani specialklassini atuartut amerlanerit klassinut nalinginnaasunut ingerlatinneqartarnissaannut MISI-mi sulisoqarpoq. Atuartut, angajoqqaat, ilinniartitsisut klassillu nutaat (klassit nalinginnaasut) ikaarsaarnermut piareersarneqartassammata, tamanna piffissami sivisuumi ingerlasinnaasarpoq. Taamaattumillu ikaarsaarnernut tamakkununga klassit ilinniartitsisullu sakkusaqartittarnissaannut MISI suliniuteqarpoq – matumani perorsaanermut, atuartitsiviup ilusilersorneranut, atuartunik ukiumikkut, ilikkarniarnerinit pissusilersuutimikkullu annertuumik assigiinngissuteqartunik inissaqartitsisinnaaneq ilanngullugu.

Tamatuma saniatigut maani Qeqqata MISI-mi Sisimiuni (aralinnik innarluutilinnut atuartitsisarneq pillugu pikkorissaaneq) Maniitsumilu (sakkussanut katersat) suliniummut aningaasanik

qinnuteqarnikuuvugut, taakkua ilinniartitsisunik perorsaasunillu ulluinnarni meeqqanik immikkut pisariaqartitsisunik suliaqartartut piginnaanngorsarnissaannut sakkussaqaarlualernissaannullu siunertaqarlutik. Ilaatigullu suliniut una isumaginninnikkut atuilluartussatut isigaarput, sunniuteqarluartumik atuartitsinerup isumaginninnikkut kingornuttakkap pitsaanngitsup kipineqarnissaanut periarfissamik qaffassaataasinnaammat. Tamatumalu saniatigut uagut MISI-mi aamma immikkut ittumik perorsaanikkut atuartitsinermullu tunngasutigut sakkussanik ilisimasaqarnerulersinnaavugut, taakkualu kommunitimi ilinniartitsisunik/perorsaasunik nutaanik immikkoortup taassuma iluani sulisussanik peqalissagaluarpat ingerlateqqissinnaallutigit.

#### **Aningaasaqarnikkut allaffissornikkullu kingunerisinaasai**

Atuartut ilikkarniarnermut ajornartorsiuteqartunut holdimut, ataatsimik ilinniartitsisoqarnermik aaqqissuussaaneq innersuussutigineqarpoq. Pissusilersornikkut, eqqarsartaatsikkut imaluunniit inooqataanikkut tunngasutigut ajornartorsiuteqartunut atuartunut holdinut aaqqiissut taanna aamma innersuussutigineqarpoq, ukioqassutsilli eqqarsaatigineqassapput. Tassani tunngaviusumik sulinermik kiisalu inooqataanissamut sungiusaanermik atuartitsisoqartarpoq.

Atuartunut arlalitsigut piginnaasatigut appasissunut, peroriartornermi nalinginnaasumik pisariaqartitanik matussuserneqannginnikkut pissusilersornikkut ajornartorsiutilinnut holdinut marlunnik ilinniartitsisoqarnermik aaqqiissut innersuussutigineqarpoq. Tassani tunngaviusumik sulinermik kiisalu inooqataanissamut sungiusaanermik atuartitsisoqartarpoq.

Atuartitsinermi suliassatigut pissarsiaqarneq kiisalu inuunermut piukkunnaateqarnissamik anguniagaqartumik atuartitsinermi eqqarsaatigineqartarnera periutsini marluusuni tamanna atuuppoq. Atuartitsinermi ilusilersugaaneq, ersarissaaneq ersarinnerlu iaa.-atuartunut tamanut iluaqutaassaaq.

Ilanngussami (Ukiumut atuarfiusumut 2020/2021-mut immikkut annertusisamik atuartitsinermut akunnernik agguataarinermut takussutissaq) allassimasutut, ukiumut atuarfiusumut 2020/2021-mut iaa-akunnerit 921-t qinnutigineqarput. Tamanna tullinnguuttutigit naatsorsueriaasitigut, ilinniartitsisunut akunnernut naatsorsuineramik kinguneqassaaq:

**Ilinniartitsisunut akunnerit** = atuartunut akunnerit amerlassusaat x 0,75 (piareersarnek) x 1,88 (nalinginnaasumik atuartitsinermi atuartiteriaaseq) / 2,25 (aralalitsigut innarluutilinnik atuartitsinermi atuartiteriaaseq) x 40 (sapaatip akunneri).

- 1) 801 iaa-akunnerit x 0,75 x 1,88 x 40 sapaatip akunneri = 45.176,4 ilinniartitsisunut akunnerit
- 2) 120 iaa-akunnerit x 0,75 x 2,25 x 40 sapaatip akunneri = 8.100,0 ilinniartitsisunut akunnerit

#### **Katinneri**

#### **53.276,4 ilinn. Akunnerit**

Ilinniartitaanermut ilisimatusarnermullu Naalakkersuisoqarfiup aamma Kalaallit Nunaanni Kommunit kattuffiata akornanni 2011-imi aggustip 19-ani isumaqatigiissutaanni takuneqarsinnaavoq, immikkut annertusisamik atuartitsinermut, akunnermut akuerisaasumut ataatsimut minutsit 60-iugaangata akigitinneqartoq 547,47 koruuni utertitsissutigineqartassasoq.

Matuma ataani maluginiarneqassaaq ilinniartitsisut allamik ilinniagallit ilinniagaqanngitsulluunniit pillugit isumaqatigiissuteqartoqanngimmat – assersuutigalugu, perorsaasutut ilinniagallit imaluunniit ikiortitit allatigut. Tassani IMAK-imi isumaqatigiissutaasut atorineqarput.



Soorlu ilanngussaq 1-imi Excel-ark-inilu ersittoq ukiuni kingullerni immikkut atuartitsilluni akunnerit atornerqartut annertuserujussuarsimapput. Qulaani allaqqasut tunngavigalugit kommunip immikkut ittumik atuartitsinernut aningaasartuutai 15 mio. koruunit missaannut naatsorsorneqarsinnaapput. Atuartitsilluni akunnerit 921-t 45 minutsinik sivisussusillit sapaatip akunnerini 40-ni 547,47 koruunit 2011-mit akimik qaffaataasumik 10% missaanik ganngerneqassapput (921 iaa-akunnerit x 75% 40 uger x 547,47 kr. x 10%). Immikkut ittumik atuartitsiviusuni 20 %-imik qaffariaateqartoqassappat akissarsianut 3 mio. koruunit missaannik aningaasartuuteqarnerutitsissaaq.

Taakkua missingersuutitut ilanngullugit suliarineqarnikuunngillat, ilinniartitsisunullu akissarsiassanut aningaasartuuteqarnerulernermut nassuiaataaqataallutik. Tassunga atatillugu maluginiagassaq aneq tassaavoq, 2011-miit qaffariaat annertut nunaqarfinni ineriartornermiit pimmat, illoqarfinni atuarfinni immikkut ittumik atuartitsiviusut 2011-minngaanniit akunnerit 633-miit 695-inut qaffannikuupput, nunaqarfinnilu atuarfinni immikkut ittumik atuartitsiviusut 2011-miit 2020-p tungaanut akunnerit 50-iniit 166-inut qaffannikuullutik.

Nunaqarfinni atuarfiit aningaasaqarnerata aqunneqarnerat ilinniartitsisunullu akunnerisa atornerqarnerat suliami allami aamma ukkatariniarneqarput. Ataatsimiititaliap siunnersuutit pillugit ataatsimiinnermi kingullermi nunaqarfinni atuarfiit pingasut klassi siornatigut siunnersuutaareersumiit mikinerusooq pillugu siunnersuuteqassasut kissaateqarfigisimavaa. Ataatsimut isigalugu nunaqarfinni atuarfiit qanoq killilimmik ilinniartitsisussaqarniarneq atuartuutikinnerlu pitsaanerpaamik pissarsissutigineqarsinnaanersoq qimerloorluarneqartariaqarpoq. Nunaqarfinnittaaq allangorartumik atuartitsineq skemallu mumisinneqarnissai ukkatarissallugit pingaaruteqarnerusooq malunnarpoq. Nunaqarfinni atuarfinni minnerni arlalinni atuartunik klassimut ataatsimut piffimmi toqqagassani ataatsimoorsitsinissaq iluaqutaanerusinnaavoq, immaqalu ilinniartitsissutissani allani klassinut nalinginnaasunut marlunnut avinneqarnissaq pisariaqartinneqarsinnaalluni taavalu immikkut ittumik atuartunut klassi ataaseq.

#### **Allaffeqarfiup naliliinera**

Pissutsit atuuttuni maleruagassatigullu tunngavigisani paasissutissat tunniunneqartut tunngavigalugit, akunnerit agguanneqarnissaanut siunnersuutit eqqortuusut kiisalu imminnut annertusisamik atuartitsinissamut akunnernik agguaanissamut malittarisassat malinneqartutut allaffeqarfimmit nalilerneqarput.

Specialklassini immikkoortitsinermiit akuutitsinerunissamut suliaqartoqarnissaa qangalili kissaataanikuvoq.

Atuarfimmi aqutsisut kingullermi ataatsimiinnerani aqutsisooqatigiinnik pilersitsisoqarpoq, taakkulu tulliuuttunik atuarfiit suleqatigalugit suliaqassallutik:

- 1) immikkut atuartitsisarnermut immikkoortumut tunngatillugu apeqqutinik/eqqarsaatersuutinik suliaqarneq
- 2) atuartunut immikkut pisariaqartitsisunut ukiup tullissaanut misilitsittoqarnissaanut pilersaarusioreq

#### **Innersuussut**

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamit paasissutissiissut tusaatissatut tiguneqarnissaa innersuussutigineqarpoq:

- 1) ukioq atuarfiusumut 2020/2021-mut iaa-akunnerit 921-t tunniunneqassasut

- 2) 921-usuni qinnutigineqartuni iaa.-akunnerit 60-it akunnermiliutissatut inissinneqassasut, immikkullu pisariaqartitsisumik atuartumik tikittoqarneratigut akunnernik tunniussinissamik pisariaqartitsinermi MISI-mit tunniunneqassallutik.
- 3) nunaqarfinni atuarfinni ilinniartitsisunut akunnernut/akissarsianut ataatsimut atuinerat qanimut aqunneqassasoq.

### **Alajangiineq**

innersuussut akuersissutigineqarpoq

### **Ilanngussat:**

1. Ukiumut atuarfiusumut 2020/2021-mut immikkut annertusisamik atuartitsinermut akunnernik agguataarinermut takussutissaq
2. Immikkut atuartinneqartartut, iaa.-akunnerit, immikkut klassit kiisalu marlunnik ilinniartitsisoqarneq pillugu Excel-imi takussutissia

**Imm. 06 Nunatsinni Inuussutissarsiornermut Suliffeqarnermullu Siunnersuisooqatigiit 2020-mi februaarip qulingani ataatsimiinnerat pillugu paasissutissiissut**

*Journal nr. 67.01*

Tunuliaqutaq

Nunatsinni Suliffeqarnermut Siunnersuisooqatigiit kommuninit kattuffinniillu siammasissumik sinniisunik inuttaqarpoq, taakkua ulluinnarminni siammasissumik ilisimasaqarlutik suliffissarsiuussisarfirmmut qanimut attuumassuteqarput. Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfik allattoqarfimmik ingerlatsisuuvoq. Siunnersuisooqatigiit 2013-imi septembarimi Inuussutissarsiornermut Aatsitassanullu Naalakkersuisup Jens-Erik Kirkegaard-ip pilersippai. Anguniagaq tassaavoq unammillernartut soorlu suliffissaaleqineq, sulisut avataaneersut piginnaangorsaqqiinnerlu naammaginatsumik aaqqiivigineqarsinnaalernissaat, taamaalilluni immikkoortoq tamat isit nutaat atorlugit isigineqarnissaa pisariaqarluni. Siunnersuisooqatigiit apeqqutinik suliffissarsiuussisarfirmmut attuumassutilinnik suliaqartussaapput. Ataatsimiinnerni saqqummiisoqannginnerani inatsisit nutaat, nalilersuinerit, ineriartorneq iliussissanillu suliaqarneq pillugit Siunnersuisooqatigiit tusarniaaffigineqaaqaartassapput. Inuussutissarsiornermut ineriartorneq, aatsitassanut, nunani allaniit nunattalu iluaniit sulisartut, suliffiit pillugit tungassutillit ilinniartitaanermut immikkoortortaqaarfimmiit, isumaginninnermut immikkoortortaqaarfimmiit, inuussutissarsiornermut immikkoortortaqaarfimmiit, kommuniniit kattuffinniillu isigalugit.

Siunnersuisooqatigiit 2020-mi februaarip qulingani ataatsimiipput. Ataatsimiinneq Qeqqata Kommunianni Ilinniartitaanermut pisortamit peqataaffigineqarpoq.

Maleruagassatigut tunngavigisaaq

Suliffeqalernissamik Ilinniagaqalernissamillu Siunnersuisarfiit pillugit Inatsisartut inatsisaat nr. 28, 9. decembari 2015-imeersoq.

Kalaallit Nunaanni Suliffissarsiorlutut killilersimaarnissaat pillugu inatsisartut inatsisaata allangortinneqarnera pillugu Inatsisartut inatsisaat nr. 27, 9. december 2015-imeersoq. (Sulisitsisut suliffissanut nittartakkamik atuinissaat).

Kalaallit Nunaannut suliffissarsiorlutut killilersimaarneqarnissaat pillugu Inatsisartut inatsisaata allangortinneqarneranik Inatsisartut inatsisaat nr. 23, 28. november 2016-imeersoq (Atuuffia aamma linniakkat allat, nalunaarusiortarneq il.il.).

Majoriamik ingerlatsineq pillugu Qeqqata Kommunian aamma Namminersorlutik Oqartussat akornanni naammassisassanut isumaqatigiissut 2018.

Pissutsit atuuttut

Ataatsimiinnermi Inuussutissarsiornermut, Nukissiuuteqarnermut Ilisimatusarnermullu Naalakkersuisunngorlaaq Jess Svane ingerlatsisuuvoq.

Siuliani ataatsimiinnermi taamanikkut Naalakkersuisoq Erik Jensen-ip aalajangiuppaa, Nuna tamakkerlugu suliffeqarnermut siunnersuisooqatigiinni ilaasortat, qulequttamik nammineq toqqakkaminnik oqallisissiamik saqqummiisassasut.

Oqallisissialli pissanganartut imaqarnialiullu sulii ilaasortanut agguassorneqarnikuunngillat. Ataatsimeeqataasut marluk pingasut aamma ullormut oqaluserisassanut qulequttanik ilanngutassanik tunniussisimasut, ataatsimiinnermut aggersinnaasimannngillat, ilaatigut Kommune Qeqertalik aamma Kommune Kujalleq.

Immikkoortunili pingaernerit ilaat uani qaqqinneqarput. Ilaatigut Kalaallit Nunaanni sumiiffiit ilaanni equngasumik ineriartortoqarneratigut Tasiilaq-mi suliffissaaleqisut 25 procentiunerat, Nuuk-milu suliffissaaleqisut 2-3 procentip missaaniittut SIK-mit oqallissaarutigineqarpoq.

Saqqumiinerup nalaani sumiiffiit ilaanni equngasumik ineriartornermut assersuusiortoqarpoq, assersuutigalugu sanaartornermut aningaasaliissuteqartarnej.

GE-ip tungaaniik, Kalaallit Nunaat tamakkerlugu suliffeqarfiit sianerfigalugit sulisussanik pisariaqartitsinersut aperineqartarput. Kisitsisit annertuujusut tutsuiginassusaat eqqartorneqarput. Suliffeqarfiit nalunaarutigaa, Kalaallit Nunaanni sulisussanik pissarsisinnaanertik sinnerlugu sulisussanik pisariaqartitsillutik. Misissuineq tunngavigalugu sulisussarsiorarneq pillugu apeqqummut, maannakkut sulisut qanoq pissarsiarineqarsimaneri apeqqutigineqarpoq. Maannakkut suliffissarsiuussisarfik aqqutigeqqaarnagu sulisoqarnertik tamarmik oqaatigaat. Illuatungaaticullu misissuinerimi allami paasinarluni, suliffissarsiuussisarfik sulisussanik pissarsisartoq, taamaattorli sulii maannamut sulisut qassit sulisuunersut nalunarluni.

Avannaata Kommunianit kommunimi inuussutissarsiornikkut suliffeqarnikkullu pissutsit eqqartorneqarput. Majoriami atuartut ikilisimanerat eqqartorneqarput, tassani inuusuttut ilinniagaqarnersiutinik appasippallaarinnittut sulerusunnerunerallu peqqutaasut.

NUSUKA, inuussutisarsiuutigalugu ilinniagaqarneq aqqutigalugu inuusuttut ilinniatinneqarnissaannut akimmiffiusartunik eqqartuivoq. Nuuk minillugu Kalaallit Nunaat tamakkerlugu suliffimmik misiliiffissat amigaatigineqarput, tassani suliffimmik misiliisussanik amigaateqartoqarpoq, nuumminngaaaneersunngitsunullu ilinniartut inaanni inissaqartitsisoqarani. SIK-ili nalunaarutigivaa, assersuutigalugu Qaanaami suliffimmik misiliiffissanik peqaraluortoq, sanasutullu suliffimmik misiliisussanik amigaateqartoqarpoq.

Qeqqata Kommunianit suliffissaqartitsisniarneq aallaavigalugu oqallissaarutiniik marlunnik saqqummiisoqarpoq. Oqallissaarut siulleq tassaalluni, Maniitsumi matchgruppe 3 pillugu Ilaqutariinnermut Immikkoortortaqaqarfiup aamma Ilinniartitaanermut Immikkoortortaqaqarfiup akornanni suleqatigiinneq. Matchgruppe 3-nut inuttut ineriartornermut pikkorissaanertut ittunut assigiinngitsunut 277.632,- koruunit aningaaliissutigineqarnikuupput. Matchgruppe 3-mi 2019-imi septembarimi aallartittumik angutitut qulinut eqimattaliortoqarnikuuvoq, eqimattami tassani tankfeltterapi aqqutigalugu tatitussuseq, inuiaqatigiinni kingornuttakkat, sumiginnagaanermilu kingunerluutinut periutsit, avatangiisinit sunnerneqarneq, imminut naleqartinneq, inuttut ineriartorneq, inuttut ataasiakkaatut oqaloqatigiinneq, ilaqutariittut katsorsaaneq aamma aqqutissiusineq kajumissaarinerlu aqqusaarneqarput. Pikkorissaanerit assigiinngitsut takkua nalaanni suliffeqarfinni assigiinngitsuni sungiusarnermik ingerlatsipput. Matchgruppe 3-mi oqimaannerit, tassani arlaleriarlutik ilinniakkamik tamaatitsisartut aammalu maannamut suliffigisaminnik unititsiinnartut amerlapput. Pikkorissaanerit ingerlanerani ingerlaannangajak marluk unipput. Siunnersuinerit kajumissaarinerillu ingerlanerata naammassinissaanut arfinillit anngupput, marluk pissuteqartumik uniinnarput, taamaalilluni sisamat ukiuni marlunni ingerlasussamik sulii piginnaanngorsarlutik. Upernaamut taamatut assingusumik arnanut aallartitsinisaq pilersaarutaavoq.

Suliniutip aappaani suliffissarsiortalerumaartunut piareersarneruvoq, tassa meeqqat. Assersuutigalugu meeqqat machgruppe 3-mut inissinnginnissaannut qanoq sulilersinnissaannut piareersarneqarsinnaappat. Suliniut Qeqqata Kommuni Atugarissaarnermut Immikkoortortaqarfik aamma Ilinniartitaanermut Immikkoortortaqarfik akornanni suleqatigiilluni aallartisarneqarpoq. Suliniut Qallunaat Nunaanni "Unge i beredskab"-imit (Inuusuttut upalungaarsimasut) aallaaveqarpoq. Taanna nuna tamakkerlugu kattuffiuvoq meeqqanik inuusuttunillu qatsersartuunermik annaassiniartuunermillu soqutigisalinnik ataatsimut katersisoq "Unge i Beredskabet-imit ilisarnaatik. Nuna tamakkerlugu qatserisartutut ilinniartunik- inuusuttunik- aamma nukarlernik inooqatigiinnermi ataatsimoornermik inooqatanikkut peqataatitsisuvugut, meeqqanut inuusuttunullu ilisimasanik, misigisanik aammalu qatserisartuunerup annaassiniartuunerullu iluani piginnaaassanik neqerooruteqartartut. Upalungaarsimanissamut peqataasarneranni, meeqqat inuusuttullu inuunermut, ilinniarnermut suliffeqarnermut tunngasutigut aammalu pitsaasumik meeraanissamut inuusuttuunissamut inersimasutullu inuuneqarnissamut piareersaaqataarusullutalu inerisaaqataarusuppugut. Atugarissaarnermut Immikkoortortaqarfik aamma Ilinniartitaanermut Immikkoortortaqarfik atuilluartaunissamut aningaasat immikkoortitanit qinnuteqarnikkut kiisalu aningaasateqarfiit assigiinngitsut aningaasaliissutaannik meeqqat atuartut eqimattanut pingasunut avillugit sapaatip akunnera aqutissiuunneqarput. Eqimattani tamani meeqqanut aqqaneq-marlunnut inissaqarpoq, qinnuteqartut akornanni meeqqat tassaapput atuafimmik qatsussinikut aammalu ullaakkut angajoqqaanit itersaruminaatsut. Imaluunniit atuarfimmut tunngatillugu tapersersuisinnaanngitsunik angajoqqaallit. Eqimattani tamani nalinginnaasumik qulingiluat aallartittarput. Imigassamik aangajaarniutinillu atuinerup kingunipilui pillugit paasissutissiisutunik ingerlatsipput. Imminut tatiginissamik sungiusarnermik, suleqatigiinnissamut sungiusarnermik ingerlatsipput, ikiueqqaarnermik pikkorissarneq, ikuallattoornissamut sungiusarnerit aammalu biilnik ajutoortoqartillugu pisuusaartitsinerni annaassiniarneq ingerlanneqarpoq. Sapatip akunnera naggaserlugu ikinngutinut, ilaqtutanut aammalu innuttaasunut ilikkakkanik saqqummiussisoqarpoq, tassanilu aamma peqataasimanermut allagartassaminnik kiisalu ikiueqqaarnermut pikkorissarsimanermut saqqarmiussaminnik tunisillutik. Sisimiuni atuarfiit ilaanni pisortaq oqaluttuarpoq, meeqqat eqimattani siullerni peqataasimasut suli maannakkut atuartuusut, atuartut takkuttarnerat pitsanngoriartoq, imminut tatiginerulertut aammalu atuarnissaminnut kajuminnerulertut.

#### Atuilluartaunissakkut kingunerisinaasai

Suliffissaaleqinerup suliffinnilu sulisussaaleqinerup pinaveersaartinneqarnissaanut suliffisarsiuussisarfimmik ingerlajuannartussamik piareersimatitsineq aamma ineriartortitsineq kiisalu sumiifimmut tassunga ineriartortitsiniarneq pillugu oqallittarnernut peqataasarneq aamma Nuna tamakkerlugu suliffeqarnermut siunnersuisoqatigiinnut aamma peqataasarneq atuilluartauneruvoq.

#### Aningaasaqarnikkut allaffissornikkullu kingunerisinaasai

Ataatsimiinneq Aatsitassanut Suliffeqarnermullu Naalakkersuisoqarfimmit aqqissuunneqarpoq, peqataajartornermilu angalanermi ineqarnermilu aningaasartuutit tamaasa matussuserlugit. Kommuni ataatsimiinnermi peqataatitaqarnermini aningaasartuuteqanngilaq.

Inuusuttut Unge i beredskabimut suliniut atuilluartaunissamut aningaasaliissutinut 75.000,- koruuninik, Atugarissaarnermut Immikkoortortaqarfimmit 75.000,- koruuninik, Ilinniartitaanermut

Immikkoortorta qarfimmit kiisalu Inuunerittamit aamma Tips- og Lottomiit aningaasaliiffigineqarpoq.

#### Allaffeqarfiup naliliinera

Allaffeqarfiup nalilerpaa, suliniutip "Unge i beredskab"-ip aallarteqqaarnera ajunngitsumik ingerlasimasoq. Tullissaa 2020-mi piareersarneqassaaq, tassani siunertaalluni ingerlanerup aappassaata aallartinnissaanut qatserisartutut suliniummi peqataasut Qallunaat nunaannukarlutik pikkorissaqqissasut. Tassani eqimattani pingasuni inuusuttut sapaatip akunnerani peqataasimasut qaammammut marloriarlutik qatserisarfirmukartarnertik ingerlatiinnassagaat pilersaarutaavoq. 2020-mi Sisimiuni aamma Maniitsumi eqimattanik nutaanik aallartisaasoqassasoq aamma kissaataavoq.

#### **Innersuussut**

Ilinniartitaanermut Ataatsimiititaliamut innersuussutigineqarpoq, Sisimiuni aappassaarnissaata aallartinnissaanut piareersarneq kiisalu Sisimiuni aamma Maniitsumi eqimattanik nutaanik aallartisaanissaq akuerineqassasoq.

#### **Alajangiineq**

innersuussut akuersissutigineqarpoq

#### **Ilanngussat**

1. Suliffiffeqarnermut siunnersuisoqatigiit 2020-mi februaarip qulingani ataatsimiinneranni oqaluuserisassat.

## **Imm.7 Qeqqata Kommunianut Kukkuersiuisut nalunaarutaat nr. 33**

*Journal nr.: 06-04-01*

### Tunuliaqutaq

Kommunit kukkuersiuisuisa uku nassiunnikuuat:

- Nalunarut nr. 33-mut Decembarip 31-nut 2019-mut ingerlaavartumik kukkuersiuiineq.

Ataatsimiititaliat susassaqqarfimmi iluanni Kukkuersiuisut oqaaseqaataannut ataatsimiititaliat akissuteqaasiussasut, 2019-imi januaarip 31-ani aningaasaqarnermut ingerlatsiviup mailikkut allagaqarluni qinnuigivai.

### Maleruagassatigut tunngavigisag

Aqutsinermut inatsimmi § 48 imm. 5 naapertorlugu, kukkuersiuisut oqaaseqaataat kommunalbestyrelsimit akineqartussaataapput, aalajangiisoqareerpallu akissuteqaatit Nakkutilliisoqarfimmut nassiunneqassallutik.

### Pissutsit atuuttut

Kukkuersiuisut oqaaseqaatiminni Ilinniartitaanermut ataatsimiititaliap akisussaaffeqarfiata iluani tullinguuttunik uparuaateqarpoq:

"4 Namminersorlutik Oqartussanit utertitassat pillugit immikkoortut, matumani:

- 4.2 Suleriaatsit  
-Piginnaanngorsaaqqiineq  
-Stipendia, meeqqanullu tapit

- 4.3 Suliat inunnut tunngasut  
-Piginnaanngorsaaqqiineq  
-Stipendia, meeqqanullu tapit

### **Illup iluani nakkutilliineq:**

Kommunimi aalajangersakkat malillugit qaammatikkaartumik suliat pingasut immikkoortortakkaartumik toqqarneqassapput. Taamatuttaaq qaammatikkaartumik nalunaarusiortoqartassaaq.

Kukkuersiuiinermi uani aalajangersakkat taakku immikkoortortat ilaanni malinneqarneq-ajortut paasineqarpoq, aammalu immikkoortortat ilaanni allaffissornikkut pitsaassutsimut nakkutilliinermut systemip atornissaanut BDO-mik pilersitsisoqarsimanani. Immikkoortortat ilaanni pitsaassutsimut nakkutilliineq pilersinneqarsimavoq, suliali amerlassusaannut piumasaqaatinut atuutitsinissamut naammassinnissanatik, imaluunniit qaammatikkaartumik nalunaarutit suliarineqassanatik.

### **Suliffeqarnermut tunngasut:**

Suliffissarsiuussisarfiup tungaaniit inunnut tunngasuni suliani piginnaanngorsaaqqiinernik, stipendium-inik meeqqanullu tapinik suliarineqartarnerinut tunngatillugu aqqissugaasumik aqutsisunit tamakkiisumik nakkutigineqarsimanngitsoq BDO-mit inernilerneqarpoq.

### Atuilluartuunissakkut kingunerisinnaasai

Kukkunersiuisunit uparuarneqartut pitsanngorsaavigineqarneratigut atuilluartumik ineriartornerussaaq, siunissami kukkunersiuiasunit oqaaseqaatit annikinnerulerneratigut.

#### Aningaasaqarnikkut allaffissornikkullu kingunerisinaasai

Ilinniartitaanermut ataatsimiititaliap akisussaaffeqarfiata iluani Kukkunersiuisut uparuaataat kommunimut toqqaannartumik aningaasaqarnikkut kinguneqassanngilaq. Kukkunersiuisut tungaanninngaaniit oqaaseqaateqartarnissaq pisariaqarmat, allaffissornikkut naammagisimaarnanngilaq.

#### Allaffeqarfiup naliliinera

Majoriami aqutsisut, Ilinniartitaanermut ataatsimiititaliap novembarip sisamaani 2019 09/2019 nalinginnaasumik ataatsimiinnerani saqqummiunneqartutut, allaffissornikkut pitsaassutsimik nakkutilliinermi systemeq tunniunneqartoq atugarilersimavaat. Majoriami aqutsisut pitsaassutsimut nakkutilliinermut systemi pissarsiarinikuusartik atulernikuuaat aammalu 2019-imi juuni-juuli-septembarimi aqutsisut qaammatit pingasukkaat sisamaanni nakkutilliinerisa takutippaat, Majoriani suliffissarsiuussisarfiit maanna pitsaassutsimut nakkutilliinermut systemimik atuilersimanerat kiisalu ulluinnarni sullissinermi misissuinermi eqitsisinik atuilersimasut. Nakkutilliinerup aappaani pingajuani suliffeqqanngikkallarnermi ikiorsiissutinut tunngatillugu tigulaakkani suliamik ataatsimik kukkuneqartumik nassaartoqarpoq. Sisimiuni Majoriap qaammatit pingasukkaat sisamaanni nakkutilliinermi piginnaangorsaacaqinermut tunngatillugu tigulaakkani tallimani suliani kukkuneqartumik nassaartoqanngilaq. Maniitsumi Majoriap januaarimi qaammatit pingasukkaat sisamaanni sulianik arfineq-pingasunik nakkutilliivoq, taakku akornanni marluk piginnaangorsaacaqinermut tunngassuteqartut. Suliat kukkunertaqanngilaq, siunissamili Majoriat sulianik pingasunik immikkoortortakkaartumik kvartalikkaartumillu toqqaasoqartassaaq.

#### **Innersuussut**

Ilinniartitaanermut ataatsimiititaliamut innersuussutigineqarpoq, allaffeqarfiup naliliinerata ataani kukkunersiuisut nalunaarutaannik akissuteqaatissatut siunnersuutitut saqqummiunneqartoq akuersissutigineqassasoq

#### **Alajangiineq**

innersuussut akuersissutigineqarpoq

#### **Ilanngussat**

2. Kukkunersiuisut nalunaarutaat nr. 33
3. Kvartal-ikkaartumik nalunaarutit



## **Paasissutissiissutit**

### **Imm. 08 Inuuneritta III pillugu tusarniaanermut paasissutissiissut**

*Journal nr. 48.00*

#### Tunuliaqutaq

"inuiaqatigiit peqqinnerulernissaannut suliniummi Inuuneritta III-mut tusarniaanermik januaarip 31-anut killilerneqarsimasumik januaarip pingajuani Qeqqata Kommunia tigusaqarpoq. Januaarimi ataatsimiititaliaq ataatsimiinnikuunngimmat, suliaq politikikkut suliarineqarani allaffissornikkut suliarineqarnikuuvoq.

#### Maleruagassatigut tunngavigisaaq

Inuuneritta III akimortumillu suleqatigiit tassa Peqqissutsimut Naalackersuisoqarfik, Ilinniartitaanermut, Kultureqarnermut Ilageeqarnermullu Naalackersuisoqarfik, Isumaginninnermut, Inatsisinillu Atuutitsinnermut Naalackersuisoqarfik suleqatiginnerannik tunngaveqarpoq. Pitsaaliuinnermut Isumaginninnermullu Aqutsisoqarfimmi Paarisa ilanngullugu. Isumaginninnermut Inatsisinillu Atuutitsinnermut Naalackersuisoqarfik nuna tamakkerlugu meeqqanik sumiginnaanermi Iliuusissatut pilersaarummik, ilaqutariinnermut politikkimillu nutaamik suliniuteqarluni saqqummiivoq. Periusissiat taakku pingasuusut imminnut tunngavigissapput.

#### Pissutsit atuuttut

Inuuneritta III: 2020-2030-mi innuttaasunik peqqinnerulertitsinissamik suliniuteqarnermi meeqqat inuunerissut sinaakkutarineqassaaq, tassani pingaarnertut ukkarineqassalluni meeqqanut ilaqutariinnullu immikkoortumi peqqinneq inuulluataarnerlu. Tassunga ilaalluni akimortumik suleqatigiinneq aqqutigalugu qitiusumik ukkarineqartussaq tassaalluni eqqarsartaatsikkut peqqissuseq.

Naleqqersuutissat toqqarneqartut tallimaapput

Naleqqersuut 1 -"inuuneq peqqinnartumik aallarnerlugu" Meeqqat tamarmik inuuneq peqqinnartumik aallartissavaat, atugarissaarnissaannik, ineriartornerannik, ilinniarnernannik eqqarsartaatsikkullu peqqissusaannik inerisaataasumik.

Naleqqersuut 2 -"Meeqqat tamarmik akornanni peqqinneq inuulluataarnerlu" Meeqqat tamarmik peqqissuullutillu inuulluataassapput, meeqqallu annersarneqassanngillat killissamillu qaangiivigineqaratik

Naleqqersuut 3 - "Meeqqanut tamanut ataatsimoorfiit pitsaasut" Meeqqat tamarmik ataatsimoorfinni inissaqartinneqassaput aammalu ilinniarnermik aallartilluarlutik

Naleqqersuut 4 - "Aanngajaarniutinik pujortartanermillu pinaveersaartitsineq" Meeqqat aanngajaarniutinik innarlerneqassanngillat pujortartalersinneqaratillu.

Naleqqersuut 5 - "Ataatsimut isiginnittumik aamma susassaarfiiit tamaasa isigalugit" Suliniutillit tamarmik ataatsimut isiginnittumik susassaqartunik tamanik isiginnillutik, ilaqutariinnik attaveqataasunillu qaninnerusunik ilaatitsissapput.

Allaffeqarfik tusarniaanermut akissuteqaatissamik tullinnguuttumik suliaqarnikuuvoq:

Meeqqat pitsaasumik inuuneqarnissaat peqqissuunissallu Inuuneritta III-p ukkatarimmagu Qeqqata Kommuniata pitsaasutut isigivaa, aammalu isumaqarluni nunarsuarmi anguniakkanut 17-inut meeqqallu pillugit isumaqatigiissummut attuumassuteqalerneq pitsaasuusoq. Qeqqata Kommuniani

Nakuusa-mik MIO-millu qanittumik suliaqarpugut aammalu Nakuusami meeqqat oqallittarfiata innersuussutai malillugit sulilluta. Kommunimi akimortumik suliniummik Inuunerinneq inuuneq tamaat, ingamik meeqqat inuusuttullu pitsaasumik inuuneqarnissaanik qulakkeerinissamik suliaqartunik arfineq-marlunnik suleqatigiissitaqartumik annertuumik suliaqarpugut. Suliniummi tamarmi MIO innersuussutit kommunimut tunniunniqusai malillugit sulivugut.

Inuuneritta III-mi, Ilaqutariinnut politikkiimi aamma sumiginnagaasimasunut iliuusissatut pilersaarummi, meeqqat ukkatarineqarnerat pingaaruteqartuusoq isumaqarpugut. Siusissukut pinaveersaartitsineq, kikkunnut tamanut toqqissisimanartumik meeraanissap qulakkeerneqarnissaa aammalu ileqqunik pitsaasunik sanarfisoqarnissaa meeqqat siunissaannut pingaaruteqarpoq. Taamatulli aalajangiisoqarneratigut Aqutsisoqarfiup siunissami suliunitissaanit innuttaasut ilangaatsiarsui ilanngunneqanngitsoorput: Inuit innarluutillit, inooqataanikkut ajornartorsiutillit, utoqqaat, inuit tarnikkut nappaatillit, inuusuttut, suliffissaaleqisut, inuit sulisut. Innuttaaqatigiinnut taakkununga tamanut aammalu suli amerlanerusunut peqqinnerulersitsinissamik suliaqartoqarnissaanut annertuumik pisariaqartitsisoqarpoq. Taakkununga Aqutsisoqarfik sunik takorluugaqarpat anguniagaqarlunilu. Kommunip paaserusuppaa, suliniutinik ingerlareersunik aqutsisoqarfik qanoq suleriaqqissanersoq? Suliniutinik ineriartortitsisoqassava?

Atuartut amerlasuut atuarfimmi suliannit tamaviaartinneqartutut misigisut imm. 3.3.1 ataani takuneqarsinnaavoq. Qeqqata Kommuniani suleqatigiissitamit HBSC-mik misissuineq qimerluuataarneqarnikuvoq erseqqissaatigineqarusupporlu, tamanna apeqqutillu allat assigiinnngitsutigut paasineqarsinnaammata. Suleqatigiissitat ilaannit atuarfimmi suliannit tamaviaartinneqarneq pitsaasutut isigineqarpoq, unammillerneqarneq pitsaasuummat, aammalu tamaviaartinneqannginneq pikkunaalliornermik kinguneqarsinnaammata. Suleqatigiissitammi ilaasa meeqqat atuarfimmi suliannit tamaviaartinneqartutut misigisimanerat uippakajaarnermut ersiutaasinnaasutut isigineqarpoq. Misissuinerimi apeqqut meeqqat qanoq paasisimaneraat qanoq ilisimaneqarpa?

Meeqqani inuusuttunilu inuunerissaarnerup peqqissuunerullu iluani takorluukkat kusanartut ilisimasallu pingaarutillit Inuunerittap saqqummiuppai. Naak ilassutitut allagaqaat naapertorlugu sulinerup sinnaakkutissaatut takorluukkatut isineqartussaagaluartoq, siunnersuut Aqutsisoqarfiup tungaanit tigussaasuunngilaq aammalu aallaaveqarani anguniagaqarpassinngilaq. Aqutsisoqarfiup tungaanit suliniutini anguniakkanilu suut sulissutigineqassanersut ilanngunneqarsinnaanerluni? Peqqinnerulernissap tungaatigut suliaqarnermi tamanna kommunini suleqatigiinnermi tigussaasumik alloriaatitut isigineqarsinnaavoq.

3.4.2 Pujortartalernissamik pinaveersaartitsineq atuarnerullu nalaani pujortartannginnissaq HBSC-mi misissuinermit titartagartalersuinissamut atugassamut tunngatillugu, meeqqat inuusuttullu qasserpiaat pineqarnersut sukkanerusumik takorloorneqarsinnaaniassammata, assersuutigalugu misissuinermit qassit peqataasimanerannut aammalu ukiuisa agguataarneqarnerannut kisitsisinut paasissutissanik itinerusunik amigaateqarpugut.

3.5.1 Ilaqutaasut akuutinneqarnissaat aammalu meeqqat inuusuttullu akornanni peqqissutsip pitsanngorsarneqarnissaanut tunngatillugu attaveqaatinik qaninnerusunut eqqarsaatersuuteqarneq kommunip tapersorsoppaa. Atuarfinni angajoqqaanut isumaqatigiissutinik atuutsitsilernissamut periarfissat kommunimi misissorlugit aallartippagut, tassani pujortartarneq imigassarlu pillugit ataatsimoorussamik malittarisassat klassit angajoqqaallu akornanni isumaqatigiissutigineqarsinnaallutik.

Kommunit arlallit Den Islandske Model-imik suliaqartut allassimavoq. Uagut saniatigut takku kikkuunersut aammalu den islandske model-imik qanoq suliaqarnersut paasisinnaagutsigit uagutsinnut pitsaassagaluarpoq. Taakku saniatigut den islandske model eqqarsaatigalugu nuna tamakkerlugu suliniuteqartoqarnissaanut pilersaaruteqartoqarnersoq, paasissallugu soqutiginnassagaluarpoq. Den islandske model atuutilersinneqarnissaanik maani kommunimi tigussaasumik suliaqarpugut. Qeqqata Kommunalbestyrelsi pisortaqatigiillu Islandimut paasisassarsiorlutik angalanikuupput. Den islandske model qanoq ilanngutsissinnaaneripput, akimortumik suleqatigiissitaq ataaseq suliaqarpoq. Maannakkut utaqqivarput den islandske model-imik siunissami qanoq suleriaqqinnissatsinnut politikerit isummernissaat.

Ersarippoq Inuuneritta III-p 2030-ip tungaanut innuttaasut peqqinnerulernissaat suliniutigigaa, soorlu GIF-ip suliniutigigaa 2030-mi Kalaallit nunaat nunarsuarmi aalanerpaajussasoq. Tassunga atatillugu inuiaqatigiinni ajornartorsiutinut suliniutip pinaveersaartitassaanut piffissamik aalajangersimasumik amigaateqarpugut. Kattuffiit taamak amerlatigisut taaneqartillugit, 2030 tungaanut ataqatigiinnissaq ersarissumillu akisussaaffinnik agguataarineq kissaatigineqarpoq.

#### Atuilluartuunissakkut kingunerisinnaasai

Meeqat inuusuttullu inuunerissaarnissaat peqqissuunissaallu ukkatarissallugit atuilluartuuvoq, inersimasutut peqqinnartumik inuuneqarnissamut sinaakkusiisuummata. Inuuneritta III kommunip suliniutaanut Inuunerinneq - inuuneq tamaat-mut, Islandimiit model atulersinneqarnissaa pillugu suleqatigiinnermullu ataqatigittorujussuuvoq, meeqqat inuusuttullu imigassamik, tupamik ikiaroonartumillu atuilinnginnissaanik pinaveersaartitsisuummat, ataatsimoorfinni sunngiffinnilu sammisaqarnerni nukittorsaasuullutik.

#### Aningaasaqarnikkut allaffissornikkullu kingunerisinaasai

Inuuneritta III aningaasartuuteqanngikkallarpoq, siunissamili kommunip suliniutinik pilersaarutinik atuutilersitsiniarnerani aningaasartuuteqartariaqassaaq, tamakkuli tusarniaanermut atortuni ilanngunneqanngillat.

#### Allaffeqarfiup naliliinera

Allaffeqarfiup nalilerpaa, Inuuneritta III-ip kommunip pinaveersaartitsinikkut suliniuteqarnera, innuttaasunullu tamanut "Inuunerinneq - inuuneq tamaat"-millu pilersitsiniarnera tunngavilersussagaa, suliniullu akuerineqariarpat kommunimit suliniut piviusunngortissagipput. Tassunga atatillugu periusissiap malitsigissaani suliniutini asigiinngitsuni ataqatigiissaarinissamut aqutsisunik suleqatigiissitanillu kommuni pilersitsisariaqaralarpoq.

#### **Innersuussut**

Suliaq Ilinniartitaanermut ataatsimiitsitaliamut paasissutissatut saqqummiunneqassaaq kommunalbestyrelsimullu ingerlateqqinneqarluni.

#### **Aalajangiineq**

innersuussut akuersissutigineqarpoq

#### **Ilanngussat**

1. Qeqqata Kommuniata tusarniaanermut akisuteqaataa.
2. Inuuneritta III-Meeqqat pitsaasumik inuuneqarnissaanut sinaakkutaq

3. Ilasutitut allagaqaat Namminersorlutik Oqartussat iluanni tusarniaaneq tunngavigalugu, Inuuneritta III

**Imm. 09 Avataanit tikisitsilluni sulisussarsiornermik qinnuteqaatinut tunngatillugu, december 2019-imi januar 2020-imilu, siulittaasup aalajangiineranik paasissutissiisut, Majoriaq Maniitsoq aamma Sisimiut**

*Journal nr. 67.01.03*

Tunuliaqutaq

December 2019 aamma januar 2020, Maniitsumi Pisiffik A/S-imit avataanit sulisussarsiorluni qinnuteqaat ataaseq (1) tiguneqarnikuuvoq, taannalu ataatsimiititaliami siulittaasumut saqqummiunneqarnikuuvoq.

Taamatuttaaq Sisimiuni Majoriaq avataanit sulisussarsiorluni qinnuteqaatit marluk (2), ataatsimiititaliami siulittaasumut saqqummiunneqarnikupput.

Maleruagassatigut tunngavissat

- Kalaallit Nunaannut suliffissarsiorlutik killilersimaarnissaat pillugu Inatsisartut inatsisaat nr. 27, 30. oktobari 1992-imeersoq.
- Kalaallit Nunaanni Suliffissarsiorlutik killilersimaarnissaat pillugu Namminersorlutik Oqartussat Nalunaarutaat nr 24, 26 august 1993-imeersoq.
- Kalaallit Nunaanni Suliffissarsiorlutik killilersimaarnissaat pillugu inatsisartut inatsisaata allangortinneqarnera pillugu Inatsisartut inatsisaat nr. 27, december-ip 9-ani. 2015-imeersoq (sulisitsisut jobportal-imik atuinerat).

Pissutsit atuuttut

Majoriami qinnuteqaatinik tigusaqartoqartillugu suleriaatsimi pisarneq malillugu nivinngaavitsigut nittarsaanneqarput kommuninilu tamani suliffissarsiuussisarfinnut nassiussuunneqarlutik. Tamanna ilutigalugu Maniitsumi Sisimiunilu suliffissarsiorlutik nalunaarsorsimaffiat aamma misissorneqarpoq atorfinnulli qinnuteqaatigineqartunut piumasaqaataasunut nallersuuttunik, suliffissarsiorlutik nalunaarsorsimasut akornannit innersuussassaartoqanngilaq.

Taamatuttaaq atorfinnut qinnuteqartunik allanik tigusaqartoqanngilaq kommuniniilu allaniit suliffissarsiuussisarfiit aqqutigalugit innersuussaartoqarnani.

Eqitsimmi ataani takuneqarsinnaapput, december 2019-imi januar 2020-imilu atorfiit qinnuteqaatigineqartut.

**Maniitsumiit:**

Suliffeqarfik qinnuteqartoq:	Atorfik qinnuteqaatigineqartoq:	Qinnuteqaatip tigunerani ulluliussaq:	Piffissaq qinnuteqaatigineqartoq:	Aalajangiussaq:
Pisiffik A/S	Allaffimmi aqutsisoq	27. december 2019	1/1-20 – 31/12-21	akuerineqarpoq

**Sisimiunit:**

***Imaqarniliaq Ilinniartitaanermut ataatsimiititaliap Marts-ip. 4-ani 2020-imi ileqquusumik ataatsimiinnera 02/2020***

Suliffeqarfik qinnuteqartoq:	Atorfik qinnuteqaatigineqartoq:	Qinnuteqaatip tigungnerani ulluliussaq:	Piffissaq qinnuteqaatigineqartoq:	Aalajangiussaq:
Sømandshjemmet	Chefreceptionisti	16. januar 2020	10.01.20-10.01.21	akuerineqarpoq
Mittarfeqarfiit	Elektronikfagteknikeri	29. november 2020	15.01.20-01.01.22	akuerineqarpoq

Qinnuteqaatit immikkut tamarmik Ilinniartitaanermi ataatsimiititaliap siulittaasuanut ataatsimiititaliaq sinnerlugu aalajangigassanngorlugit saqqummiunneqarnikuupput, suliamullu innersuussutigineqartut tunngavigalugit aalajangiiffigineqarnikuullutik.

Matumani suliami qinnuteqaatit ataatsimoortillugit ataatsimiititaliamut paasissutissiissutigineqarput, qinnuteqaatit saqqummiunneqarnerani immikoortillugit suliat qinnuteqaatitaallu ilanngussatut (bilag) ilaatinneqarlutik.

Atuilluartuunissakkut kingunerisinnaasai

Atuilluartuunerunngilaq nuna avataanit tikisitanik sulisoqarnissamik isumalluuteqartariaqalersimappat, kisiannili nunat assigiinnngitsut avataanit tikisitsilluni sulisoqartarneq kiffartuussinerup iluani atugarivaat. Ataatsimut isigalugu ukkanneqarnerusariaqarpoq, Qeqqata Kommuni suliffeqarfiit eqqarsaatigalugit nunaqavissunik sulilersitsisarnerup pitsaanerulernissaa anguniarlugu suleqatigilluarneqartariaqarput.

Aningaasaqarnikkut allaffissornikkullu kingunerisinnaasai

Kommuni qinnuteqaatinik suliaqartarneq qinnuteqartunullu akissuteqarneq, aningaasatigut allaffissornikkullu annertunerusumik kingunerluuteqanngilaq.

Allaffeqarfiup naliliinera

Allaffeqarfiup qinnuteqaatinut suliat paasissutissiissutigineqarneri ataatsimoortillugit Ilinniartitaanermi ataatsimiititaliamut saqqummiuppaai, innersuussutigalugu siulittaasup ataatsimiititaliaq sinnerlugu aalajangiineri tusaatissatut tigoqqullugit.

**Innersuussut**

Ilinniartitaanermi ataatsimiititaliamut innersuussutigineqarpoq, avataanit tikisitsilluni sulisussarsiornermut qinnuteqaatit eqitsimmi takussutissiarineqartut tunngavigalugit, ataatsimiititaliaq sinnerlugu siulittaasumit aalajangerneqartut tusaatissatut tigoqqullugit.

**Aalajangiineq**

Tusaatissatut tigueqarpoq. ACR-ip siulersuisuinut coronavirusi pillugu upalungaarsimanermut tunngatillugu qanoq piareersarnerusut apeqqutigineqassaaq, assersuutigalugu nunani tamalaani unammersuarnerit taamaatiinnarneqarmata, tassunga tunngatillugu ACR qanoq isummersornerisooq.

**Ilanngussaq**

1. Avataanit tikisitsiniarluni qinnuteqaatinut suliat siulittaasumut saqqummiussat pingasut (3)
2. Suli.gl aqutigalugu qinnuteqaatit pingasut (3)

**Imm. 10 Tamalaat**

Ataatsimiititaliamit coronavirusimut mianersornissaq innersuussutigineqarpoq

**Ataatsimiinneq naavoq nal.: 11:00**